

湖南地方志 少数民族史料

湖南省少数民族古籍办公室 主编



岳麓书社

94
K280.64
1
1:2

湖南地方志少数民族史料

(下)

湖南省少数民族古籍办公室 主编

岳 麓 书 社

1992年·长沙



926812

辑录标点 郭翠柏
丁葆赤
刘雪莱
肖 骊
雷树德
责任编辑 李增夫
封面设计 邓森飞

湖南地方志少数民族史料(下)

湖南少数民族古籍办公室 主编

岳麓书社出版(长沙市银盆南路87号)

湖南少数民族古籍办公室发行 长沙市东方印刷厂印刷

1992年12月第1版第1次印刷

字数: 560千字 印张: 22.75 印数: 1—1000

ISBN7-80520-272-9

K·62

定价: 12.00元

目 录

沅州府志（同治十二年续修乾隆五十五年刻本）	（ 1 ）
芷江县志（乾隆二十五年刻本复印本）	（ 23 ）
芷江县志（同治九年刻本）	（ 49 ）
黔阳县志（康熙二十六年刻本传抄本）	（ 68 ）
黔阳县志（乾隆五十四年刻本）	（ 70 ）
黔阳县志（同治十三年刻本）	（ 86 ）
麻阳县志（同治十三年刻本）	（ 103 ）
辰州府志（乾隆三十年刻本）	（ 134 ）
辰州府乡土志（光绪三十三年修兰格抄本）	（ 193 ）
沅陵县志（同治十二年刻本）	（ 197 ）
沅陵县志（民国二十年稿本）	（ 205 ）
辰溪县志（道光十二年刻本）	（ 214 ）
溆浦县志（同治十二年刻本）	（ 220 ）
泸溪县志（乾隆二十年刻本）	（ 229 ）
永州府志（道光八年刻本）	（ 244 ）
道州志（光绪三年刻本）	（ 282 ）
零陵县志（嘉庆十五年刻本）	（ 288 ）
永明县志（道光二十六年刻本）	（ 290 ）
宁远县志（嘉庆十六年刻本）	（ 302 ）

宁远县志（光绪二年刻本）	（ 306 ）
宁远县志（民国三十一年石印本）	（ 311 ）
东安县志（光绪二年刻本）	（ 315 ）
江华县志（雍正七年刻本）	（ 326 ）
江华县志（同治九年刻本）	（ 327 ）
新田县志（嘉庆十七年刻本）	（ 341 ）
宝庆府志（乾隆二十八年刻本）	（ 344 ）
宝庆府志（道光二十九年刻本）	（ 370 ）
城步县志（同治六年刻本）	（ 418 ）
城步县志（光绪三十二年抄本）	（ 432 ）
武冈州志（康熙二年刻本传抄本）	（ 435 ）
武冈州志（嘉庆二十二年刻本）	（ 437 ）
武冈州志（光绪二年刻本）	（ 446 ）
邵阳县志（嘉庆二十五年刻本）	（ 447 ）
新化县志（同治十一年刻本）	（ 450 ）
新宁县志（光绪十九年刻本）	（ 452 ）
郴州总志（康熙二十四年刻本抄本）	（ 460 ）
郴州直隶州乡土志（光绪三十三年刻本传抄本）	（ 463 ）
直隶郴州总志（嘉庆二十五年刻本）	（ 473 ）
兴宁县志（光绪元年刻本）	（ 478 ）
郴县县志（嘉庆二十五年活字印本）	（ 486 ）
汝城县志（民国二十一年活字印本）	（ 489 ）
宜章县志（乾隆二十一年刻本传抄本）	（ 491 ）
宜章县志（嘉庆二十年刻本）	（ 493 ）
续修永定县志（同治八年刻本）	（ 494 ）
桑植县志（同治十一年刻本）	（ 499 ）
续修石门县志（同治七年刻本）	（ 500 ）

续修慈利县志 (同治八年刻本)	(506)
澧县志 (民国二十八年活字本)	(509)
茶陵州志 (嘉庆二十四年刻本)	(511)
安化县志 (同治十一年刻本)	(514)
宁乡县志 (民国三十年石印本)	(534)
浏阳县志 (同治十二年刻本)	(537)
善化县志 (乾隆十二年刻本)	(538)
直隶桂阳州志 (嘉庆二十三年刻本)	(539)
桂阳直隶州志 (同治七年刻本)	(544)
临武县志 (嘉庆二十二年刻本)	(561)
蓝山县志 (同治六年刻本)	(567)
蓝山县图志 (民国二十二年刻本)	(569)
安仁县志 (同治八年刻本)	(590)
常宁县志 (嘉庆四年刻本)	(593)
酃县志 (乾隆三十一年刻本)	(601)
酃县志 (同治十二年刻本)	(605)
常德府志 (明嘉靖二十二年刻本影印本)	(608)
桃源县志 (明崇祯十五年刻本)	(613)
桃源县志 (道光元年刻本)	(614)
桃源县志 (光绪十八年刻本)	(616)
桃源县志初稿 (民国三十七年稿本)	(623)
华容县志 (光绪八年刻本)	(624)
靖州志 (康熙二十三年刻本传抄本)	(625)
直隶靖州志 (乾隆二十六年刻抄本)	(634)
直隶靖州志 (道光十七年刻本)	(661)
靖州直隶州志 (光绪五年刻本)	(675)
靖州乡土志 (光绪三十四年刻本)	(684)

会同县志（光绪二年刻本民国石印本）·····	（ 696 ）
绥宁县志（乾隆十九年刻本传抄本）·····	（ 699 ）
绥宁县志（同治六年刻本）·····	（ 714 ）
通道县志（嘉庆二十年刻本）·····	（ 717 ）
后 记·····	（ 723 ）



沅州府志

清龚璫等纂 同治十二年续修乾隆五十五年刻本

卷之三 沿革

芷江县（附郭）

……唐末群蛮分据，各自署为刺史。后唐长兴三年，马希范嗣领湖南节度使，置懿州，治潭阳县，及弟希萼袭位，改治州。

宋建隆中，平湖南，复奖、叙诸州。时群蛮舒、田、向三氏分据，私置十三州，皆归命，隶辰州入贡。……熙宁七年群蛮悉平，复置沅州，以懿州为治，改潭阳县为卢阳县，以辰州麻阳、招谕二县咸隶焉。八年省招谕，并锦州寨户入麻阳。元丰三年废龙标故城，今黔江新城并镇江寨户置黔阳县，属荆湖北路。

元至元十二年，置沅州安抚司，十四年改沅州路领卢阳、麻阳、黔阳三县，属湖广行中书省，后为陈友谅窃据。

明初，改沅州府，寻复为州，隶辰州……

……乾隆元年，俞允巡抚钟保所请，升为沅州府、增置芷江县，附郭。领黔阳、麻阳三县。

卷之五 山水下

黔阳县

罗公山，在县东南一百六十五里，接宝庆府武冈州及靖州、会同界，一名罗翁山。

《名胜志》：周回五百里，绝顶有池，广数十里，昔有罗姓隐此得道，因名。

《方輿纪要》：山南有砂溪与武阳江合，北流分为两溪入沅。宋熙宁间，土豪舒光明建寨于此，为瑶人所破。西北有地广数百亩，岁大旱，此处独稔，号曰“熟坪”。

《大清一统志》：……山谷有洞，洞各有寨，皆瑶居之地，无菽粟盐布，所产惟黍与荞麦。山形八面，惟西北一面通黔阳。

……

卧尤岩，在县西南四十里，俗以旁有诸葛城，故名。中有石洞，分裂如劈，阔数十步，深凡数里，两壁疑歪粉涂椒，自然芬泽，流泉幕沥，散布石上。内有石灶二，俗传武侯屯兵时所置。旧时里人避寇者多栖焉。

麻阳县

西溪，在县东北六十里，源自苗巢杉木寨，出岩口过鸟巢江大汉、石羊哨，经古富州入辰水，镇竿为沿边要地，重兵屯守，军食所需实藉此溪，为馈饷之路。又百货毕集，一水通流，舳舻相衔，上下不绝。唐刘梦得所谓要路津，此殆其亚。

卷之六 城池

芷江县（附郭）

府城自五代马氏置懿州。宋熙宁初，五溪蛮田元猛据此。五年，遣章惇经制荆湖，明年，平懿州，置潭阳郡。时收复方始，先筑倚西一面，继筑东南北三面，此城所自起也。……（洪武）十八年，楚王桢讨思州五开蛮，复以德兴为副将军，德兴在楚久，所用皆楚卒，威震蛮中，定武昌等十五卫……。

麻阳县

县城自明洪武初筑土为垣，景泰六年毁于苗。成化八年都御史吴琛奏请重筑，允行，命辰州府知府易贵、都指挥使铁坚，因旧基筑之。……嘉靖二十六年苗乱，知县朱瓚率民守御，因水门新乏，题楼曰“与存”。……

古城考

龙标故城，今黔阳县治，梁置县，隋属沅陵郡，唐初属辰州，贞观八年为巫州治，后为叙州治，五代时为蛮地，宋初为黔阳城，元丰三年置黔阳县于此。……

锦州故城，在麻阳县西四里，唐置。五代时为蛮地，废为寨，宋省入麻阳县。……天宝七年改州为卢阳郡，乾元元年复为锦州。《宋史·地理志》熙宁八年并锦州寨入麻阳。

富州故城，在麻阳县东北高村，蛮地也。《宋史·蛮夷传》南江诸蛮曰富，向氏居之。又熙宁五年遣章惇察访，明年，富州向晤献先朝所赐剑及印来归顺。

潭阳废县，即今芷江县治，唐置潭阳县，属巫州，后属叙州。五代时，懿州治，后为洽州治，宋于其地改置卢阳县，为沅州治……《宋史·蛮夷传》乾德三年，洽州刺史田处崇上言，湖南节度使马希范，□叙州潭阳县为懿州，其弟希萼改为洽州，愿复旧名。诏从其请。又南江诸蛮自辰州达于长沙、邵阳，各有溪峒；曰叙、曰峡、曰中胜、曰元，则舒氏居之；曰奖、曰锦、曰懿、曰晃，则田氏居之；曰富、曰鹤、曰保顺、曰天赐、曰古，则向氏居之。张翹言：南江诸蛮皆可郡县。熙宁五年，遣章惇察访，明年，惇进兵破懿州，南江州峒悉下，遂置沅州，以懿州，新城为治所。……

莪山废县，在芷江县西一百里，唐置夜郎县，后改曰莪山，五代时为蛮地。宋为奖州辅，属卢阳县。……贞观八年，置夜郎

县，属巫州，……开元十三年改为鹤州，二十年又改为业州，大历五年又改为奖州……

渭溪废县，在芷江县西一百二十里，唐置县，初属沅州，寻属业州，后属奖州，五代时为蛮地，县废。……

马王城，在黔阳县，五代马氏征蛮时筑。

诸葛城，在黔阳县西南四十里卧龙寨，相传诸葛武侯驻兵处，为唐朗溪故城址。

卷之七 乡都

芷江县（附郭）

明洪武中编户二十七里，宏治十五年并为一十六里，正德七年仍析为二十六里，领于乡。……本朝康熙八年涂坊归里。逆藩叛乱，往来蹂躏，民窜田荒，无复里额。十九年大师恢复，仍编为二十六里，二十九年奉文清丈，将归并民屯田亩，编入里甲，复增一十二里，今共三十八里。

……

永定里（增 县南一百四十里）

平一里（县西六十里）

平二里（县西一百二十里）

平三里（县西一百三十里）

平四里（县西九十里）

平五里（县西一百四十里）

平六里（县西一百九十里）

永正里（增 县西一百一十里）

永安里（增 县西四十五里）

村庄

柳林村 新寨 中寨 竹墅村 桐木村 皮朗 坝坪哨 横

坡寨 瓮道村 凉亭寨 八贤村 梭溪寨 龙寨 垆塘 老衍
半江寨 约溪寨 岔溪寨 到登村 鬼磨村

以上俱县西，隶平四里。

伞寨 贡溪寨 扶罗 丈溪寨 偏洞寨 大晏家寨 旧寨
公判寨 杨柳坪 落寨 江口寨 界牌寨 蒲寨 科赖寨 黄蕾
寨 转水村 面溪寨 桐木寨 抱溪寨 晒网寨 瓮溪寨 刘家
寨 小坡寨 蒋溪寨

以上俱县西，隶平五里。

甘味 凉山 四路村 皮林村 同古村 皂溪寨 田家寨
钟家村 岑庄 甘屯 天洞寨 花园高村 冲塘 橙村 台洞寨
菱派寨 天堂寨 桂林寨 落乐寨 芒担 坝料 毒溪村 鬼婆
村 鬼孟寨 鬼垆 鬼仔村 坝埭 地蒲 地习 八江村 芒靠
岩黛村 美寨 桂林溪 梭溪 八江口

以上俱县西，隶平六里。

窝滩寨 旧洲 平地寨 大坡寨 赖溪寨 钩溪寨 帮村
大晏家寨 洞坪 杨坪 半江寨 阿弥寨 涂家村 秋坪 月村

以上俱县西，隶永正里。

岩坳 杓溪庄 相见坡 嘉洋庄 羊毅庄 麦园坪 米溪庄
木叶溪庄 榜坡庄 关口村 大水坳 篮子冲

以上俱县西隶永安里。

……

旧府志县境三十八里，内三十五里。凡村庄之可指者分系于四乡……境内以西南为上乡，东北为下乡，村庄错列，其间人户稀稠、大小，差参不一……至平四、平五、平六、永正四里，即所谓西溪四里也。地隶版图已久，国家于此四里，赋则从轻，馆则有饩，士登黉序，文教日开，所以休养而渐摩之者至矣。

黔阳县

明洪武中編戶五十八里，永樂間并為二十二里。國初編戶二十一里。

按：縣境舊以在城名坊，余分為二十里，以一都一里，二都二里，原神一里，順福二里，供洪四里為上十里，子弟七里，石保二里，太平一里為下十里，今定為鄉都者十二，為里者二十有四。

麻陽縣

明初編戶三十九里，后因苗人侵扰，居民荡析，永樂元年以絕戶土田割付平清偏鎮辰沅六衛屯田，麻陽僅存七里。……國朝康熙三十五年增永盛、興德二都，今共為九都。編九里。雍正六年奉文撥增玉屏、清溪、施秉、鎮遠四屯，亦為四里，共十三里。

按：舊自三十九里约而為七里，又自七里增而為九里，九里之外又增四屯，而麻之都鄙區圖略定。夫當明初，苗禍最酷，故割絕戶之田以為屯，而民產移于軍食矣。田既有軍民之分，則都甲勢不能畫一，而各都又有盛甲、末甲之殊，丁糧乃有偏多偏少之弊，……邑以近縣之市都、四旗都、石惹都、石渠都為上四里，而以一二三都去縣遠者為下三里……

卷之八 關隘

盛世不言關隘，干羽兩階，七旬來格，視中外如一家。《魯論》曰：修文德以來之，孔子柔遠之道與堯舜同。是以溪峒林箐要害之說，不見于《六經》。后世苗瑤多事，叛服不常，勢不得不凭岩恃險以御之，于是西南邊徼關隘尚焉，然歷唐宋元明皆不能靖。我朝德威四迄，幅員之廣超越萬古，凡卉服鳥言之徒，悉化而為衣冠文物，況沅郡久稱內地，昔之荒箐盡為良田，昔之城寨多成市鎮，聿稽關隘，益以仰見帝德……則前代溪峒林箐要害

之处亦得搜录，以备考镜……

沅州府（芷江附郭兼领黔阳、麻阳二县）

按：郡境北控苗寨，南柎瑶山，……盖全楚之扼塞也。顾其所谓要害者……《方輿纪要》麻阳西北有鸦刺关与贵州群苗界，为扼控之所。考《麻阳县志》丫刺关去县西一百二十里，明隆庆后设永宁哨于此，今非其境地矣。……

镇江寨。《沅州志》：在州东八十里。《宋史·地理志》：熙宁六年，以富州新城为镇江寨。（按《大清一统志》亦云，富州故城在麻阳县东北高村，详见古迹）七年，以辰州镇江寨隶沅州。元丰三年，并镇江寨人户入黔江城，为黔阳县。寻废镇江寨为铺。《方輿纪要》沅州镇江寨在双髻山下，宋初蛮置富州于此，谓之富州新城。熙宁中收复，改置镇江寨，元丰三年并入黔阳县，今改为戍宁处。《大清一统志》沅州东八十里有板门山，宋时为向蛮据守处。又云：州东一百里有保牢山，上有前后中三寨，又有景龙寨，一名麻池寨，此山与板门山皆古镇江寨。

若溪寨，《大清一统志》在州西北一百二十里。《宋史·地理志》沅州卢阳县若溪寨，崇宁三年置。《方輿纪要》若溪寨在沅州西，宋至和中，溪州蛮彭仕羲作乱，寇辰州界，据守寨溪地，既而其兄师晏攻杀之，归若溪地，并以皮白峒来献，盖在若溪西也……《宋史·蛮夷传》北江蛮酋最大者曰彭氏，世有溪州，州有三，曰上、中、下溪，又有州十一，总二十州，皆置刺史，而以下溪州刺史兼都誓主，十九州皆隶焉，谓之誓下州。天圣五年，命彭仕端知下溪州，明道初，仕端死，复命仕羲为刺史，至和二年，知上溪州彭师实与仕羲子师党举族趋辰州，告其父之恶，且言将起为乱。于是知辰州宋守信率兵数千深入讨伐，兵至而仕羲遁入他峒，不可得，俘其孥及铜柱，而官军战死十六七。守信等皆坐贬。自是蛮僚数入寇抄，边吏不能制，后遣

使经制，大出兵临之，且弛檄招谕之。而仕羲仍陈本无反状，愿以二十州旧地复贡奉内属，嘉佑二年就降，辰州亦还其孥及铜柱。自是仕羲岁奉职贡，然黠鹜数盗，即辰州界白马崖下喏溪聚众据守，朝廷数招谕，令归侵地，不听。熙宁三年，为其子师彩所弑。彩专为暴虐，其兄师晏攻杀之，纳誓表于朝并上仕羲平生鞍马器服，仍归喏溪地。五年，复以马皮白峒地来献。诏准为下溪州刺史。章惇经制南北江，誓下州峒蛮各以其地归版籍，师晏遂降。诏修下溪州城并置寨于茶滩南岸，赐新城为会溪，新寨名黔安，戍以兵，隶黔安戍云云。考彭氏所刺之州，在今永顺府，而下溪州即今会溪，在辰州府沅陵县之西北一百二十里，源出永顺县西南，流入酉水，是为北江，俗呼为北河是也。仕羲所据辰州界白马崖、下喏溪，大抵即今沅陵县北二十里之白岩界山为近，若沅州之若溪寨，则是今芷江县西，州志所谓若水之右是也。沅州上下，《宋史》谓之南江与北江，远不相涉，况若溪与喏溪，字画亦别，其不能牵附明矣。至仕羲作乱始末，与师晏攻杀事迹，顾氏亦多舛错，故详考《宋史》以正之。

怀化寨，《方輿纪要》在州东一百二十里，本蛮寨，宋为怀化铺，今为怀化马驿，并置递运于此。

托口寨，《大清一统志》在县西南四十里渠水之右，通贵州镇远府天柱县。《宋史·地理志》元丰三年置托口寨，八年罢。《方輿纪要》托口当九牙诸蛮之冲，宋置寨于此，今亦为戍守处。……

安江寨，《大清一统志》在黔阳县东南九十里，又有安江堡，亦名双崖寨。明景泰初置，今裁。《宋史·地理志》熙宁间复碛。腾、云、鹤、绣、胜五州，六年以碛州新城为安江寨。《方輿纪要》宋初，蛮置峡州，谓之峡州新城，或伪为洽州。熙宁中章惇取懿、洽即此也，寻改为安江寨，今置安江驿于此。

按：《宋史·地理志》云：熙宁始务辟土，章惇取懿、洽，崇宁以来，斥大土宇靡有宁岁。凡所建州军、关城、寨堡，纷然莫可胜纪。又《蛮夷传》云，元祐初，傅尧俞、王岩叟言：沅诚州创建以来，设官屯兵，布列寨县，募役设戍，兵费巨万，公私骚然，荆湖两路为空竭。又置广西融州，开创道路达诚州，增置浔江等堡，其地无所有，湖广移赋以给，一方民不安业，愿斟酌废置。朝廷以沅州建置至是十五年，蛮情安习已久，但废诚州为渠阳军，而沅州至今为郡。盖其时，疆宇新隶，则防御不得不严，渊藪藏奸，则道路不能不辟，且有官以领之，谓之寨官，又有沿边都巡检。《宋史·职官志》寨，置于险扼控御去处，设寨官，募收土军阅习武艺，以防盗贼。凡杖罪以上并解本县，余听决遣。又控扼要害及地分阔远处，皆置巡检一员，往来接连。令相应援处，则置都巡检以总之，皆以材武大小使臣充，各随所在州县守令节制本寨事……施之西南，实代王师，有御侮之备，而无馈饷之劳，然要之，即所谓寨官也。《宋史》又云，绍兴以后，寨官不能为轻重，至有有官无兵者，其所缺之寨，则设巡检，是寨官与巡检不兼设也。厥后，乾道间，知辰州章邵才则言，泸溪有诸寨士兵、寨官，有全无一兵，徒存虚名者……其时儒林郎李大性上言：“比年瑶蛮为乱，边吏虑防赏格，往往匿不以闻，遂致猖獗。近如梁牟等寇沅州，劫墟市，杀戮齐民，州县告急于两月之后，比调官军讨捕，俘降其贼，而人之被害已酷。”盖是时沅之诸寨亦可知己。……

菱托铺，《方輿纪要》在黔阳县东百六十里，自安江至菱托铺，皆溪峒瑶人出没要道，宋置寨以为捍御。……

安江堡，《黔阳县志》城东九十里。（《方輿纪要》黔阳、竹滩、安江三堡，皆景泰初以溪峒蛮僚出没为患增设戍防，俱沅州卫官兵哨守。

小坡哨，《麻阳县志》在县西三十里，旧邻大江，屡被水啮，近移堡子凹，土城楼三、分司督备、署县、社仓、瞭远楼、演武场各一；督备官一员，头目、识字、打手、土播等兵计三百八十名。《侯加地志》小坡哨东抵铜信废哨，南接沅州后山乡，西邻贵州施溪界，北连永宁，直通贵苗亚寨。本哨为麻阳屏翰。麻阳为辰、常襟喉，正、嘉间，鹿龙山贵苗直犯沅之江西街丫刺关，湖苗遍麻阳之谭家寨，随调汉，土兵堵截，百姓稍宁。隆庆三年，守备议改丫喇关为永宁哨矣。嗣后本哨陆续添设小哨四：曰水塘凹、曰清水塘、曰十八坪、曰社壤，势成犄角。设炮楼八：曰铁山、曰石榴坡、曰竹山、曰观音、曰太平、曰黄土田、曰上高、曰楠木山。隘门七：曰铜钱湾隘、曰上隘、曰下隘、曰干竹隘、曰骂劳隘、曰木桐隘、曰新路坡。所有遍口、雷打坡、鳄鱼潭、蜡螃溪、新田、张湾坪等处，皆苗出总路，分兵哨守，此本哨之吃紧处。

石羊哨，《麻阳县志》在县北六十里，土城门二，分司督备署。军饷仓、演武场。望远楼各一，敌楼三。督备官一员，武职管仓员一员、头目、识字、打手、土苗等兵计二百九名。明《侯加地志》东至岩门巡司，通辰州府大路，运河经焉，先年为积饷之所，又南抵水田营通麻阳达沅州，西接清水营直达永宁铜仁苗穴。北距五寨接清洞、乾竿等哨，附设水田中营一，设炮楼八：曰龙口寨、曰芭蕉溪、曰银壶寨、曰沙子凹、曰洞溪、曰南高楼、曰头栗山、曰中栗山。设隘门六：曰太平隘、曰成佛隘、曰五龙溪、曰白茅隘、曰杨柳隘、曰双江口隘。苗每跳梁，安宁、洛濠为必由之路，有警应援，安宁两哨为隘吭之区，如米岩、溪洞、下江，皆宜会哨，此本哨之吃紧处。（按：今为石羊塘，镇竿镇中营领之……《黔阳县志》有五寨哨在县北□□里，长冲哨在县西百二十里，竿子哨在县北一百四十里，洞口哨在县北一百